

竹葉庵文集

竹葉庵文集卷四

吳縣

熱河集

丙申

晚次牛關山

雨腳不敢下虹頭不敢上晴雨莽相戰昏黃隱西嶂禾黍高穰
穰沙石伏漾漾積水一尺深夜氣似幽壙人馬雜昏曙道路誰
倚仗鎗光露巖屋吾身纔有傍比之牛在關勞者發高唱

曉渡白河

鄒衍居河東吹律能生春從此河之水能助萬畝民我來曉星
沒初日出河濤光輝動空碧滉漭如金銀瀨清龍避波正鳧
鴨馴中流萬象開浩浩鏡秋旻如何一竇洩不可千載堙明德
古有報四瀆所以尊

密雲縣

密雲此重邊尙朝設總督幕府牆子嶺弓刀小水谷

聖人起長白中外朝拱服四夷皆來王一鎮非大局縣城劇孤
迴雞犬界巖麓遠山一重青近山一重綠朝見潮河盈暮見白
河縮桑海誰復知太平謀饒鷲

小水谷縣志作南水谷北水谷谷或作峪

潮河

潮河與白河水經無其名乃是鮑邱水密雲戍所經通州逆流
上轉漕昔必爭兩河夾一縣不齧庠奚城浮橋連大磧秋樹多
邊聲女牆看洪濤飲馬驂駟鳴

。石嶺子

幽徑隨意取山屋無正態古戍吹螺殼大荒滑龜背多泉不貴
井荒陂尙有菜想來斷盜賊戚友數家內風林土竇敢雲衣水

口對勗哉養汝儉瘠土古人愛

穆家峪

鬱鬱無名樹蒼蒼太古壁山角包堂隍石樓安階城初見一屋
雲已有數雨滴天哀行旅滯青冥橫斷霓此峪何人居斬茅建
瓴甌聚族以姓傳乃同湯沐錫當季范大夫功成不爲的名字
埋川原田土富鼎鬲一子愛黃金一子夙仇敵丕承世德難哲
嗣算啟迪

芹菜嶺

蚤發芹菜嶺炊煙到天直初以爲雲耶野屋突如墨山曠無一
風心廓游八極嶺頭俯下界兩肘閒生翼露菴施重網石鼠跳
叢棘菴毒百蟲害鼠貪田禾倉爾輩圖生長皆爲天下賊陽陂
樹犖确陰厓鬪男崩我將采青芹浩歌翠微側

。白河澗

大石塞我甬一峯衰一峯諸峯四圍積磊落天地雄嗟哉眼力
小莫鬪青濛濛石脇破風雨泉竇開春冬有一太古澗白雲常
季封天駭刺空下墮塌追無蹤竊裊復騰上垂披如老翁光陰
輕跳擲川嶽無始終鄙人若一蟲豈不心忡忡

。新開嶺

洄洄嶺下水礚礚嶺上石山椒向南東關門臨北關絕壁古車
廂斷厓老沙磧伐木取近材檣梁仿列柵官符朝復暮人家一
傳百持錫鑿盤盤趁虛秋撼撼民自用手足國不費織帛我如
爲寓公龜勉謹執役

南天門

山夔一再東升茲南天門連鼇矗斗極神獸司旗旛落落大禹

迹高高神京藩牛馬負重上汗注尻及髀骨濁氣不鍊人恥鵬
與鴟山北徑削落渾流當我渾逆濤激沸礪水怪坐石根厥派
蕩濡水直鄉關內奔破屋鏗一殺萬禩爭飛翻可憐就方舟不
免驚心魂

攬勝軒

六龍此駐蹕精舍顛梵寺小臣塞垣來肅穆拜屏位朱甍麗旭
日玉几積山翠軒下古邊牆築之在明季時窮但議餉在亂
無久帥中貴誰遙制臺官好漫晉哀哉戚少保功過足心悸今
幸際太平思之猶長喟

古北口

地盡中原山天挂秦時月喜峯連居庸夾此青律砢一騎容關
門千秋幾戰伐沙清走野兕日落賸飛鶴乃見長城下屢臥白

頭卒近來關內民關外亦耕墾冥冥古樓堞荒荒無繼許真咲
角人忙龍蛇膠齧齧

老虎峯

我宿老虎峯峯口呀以張初見塞上月升到秦時牆店中回回
女十五蕭剗羊齒雉鴉髻短手細鸞刀彊可憐羊命促洞腹抽
其腸術不可不慎禮教崩闔房豈能佩箴管但足謀羹湯坐隅
有老人言此峯之旁季季有虎跡月暗踏林剛我顧語老人物
虎不足殃此女乃人虎合嫁屠家郎

。青石梁

石梁何高高其態多哈呀石坼者如龜石蛻者如蛇石癩者飲
猿石奮者翻鴉石大者騰象石細者伏蛙積此眾石執糾結而
紛拏敗厓有斷樹長風走黃沙三里五里水半紅半白花花根

做幽洞冥冥誰恡爬我來看花立不覺鳴泉譁瀉破嶺頭雪歎
亂山中霞一泉有一聲此是鳴琴耶此音徵師曠此技追瓠巴

黃土梁

甫梁是青石後梁是黃土下梁復上梁平阪豁林鳴甫梁斷人
家後梁積畦圃牆頭瓜絡蔓屋背攢就乳婦女習女紅簪花坐
檻戶兒童巖際來家人先遙視野曠聽盤鵬石平眉射虎不知
塞地瘠何有秋風怒斜日梟歸禽白雲見樵斧

喀喇河屯

山形與龍類頭角高崢嶸關之爲關門竿纛搖龍睛及其鱗爪
閒皆是藏一城此脈太行始蜿蜒誰經營嶽嶽衛郊郭蚩蚩營
編氓半天蕎花白十圍榛樹明

地產
榛子

山高兮水長子生而孫生

家並五穀富市無一兔爭廣漠恥烏桓短促羞灤京歌詩揚

聖化圖瑞環蓬瀛

雨渡灤河

灤河沿近名迢迢古濡水浩蕩入關去潮白并迤邐秋雨灑長
城孤舟在中泚不覺客懷寂無處采蘭芷危沙噴鮫鱗浮金動
卸鯉沙質金爲氣不能喻其理候悟淘金戶最與檀州邇漁陽
置鐵官不出二百里金水通地肺寶物固不舛若貽百姓累姑
畱天地美作詩述遺聞垂戒著甬史

濼地志灤陽郡置鐵官元在祖本
紀罷檀州淘金戶此河之沙有作金色
者地脈相通也予雨中玩之故作此詩及歸渡河晴午日正濕漉更奇

廣仁嶺

廣仁袞大黑

大黑山也

浩漫連山脅橫堰排土牛曲磴砌石蝓雲霧

萬里舒蒼翠百層壓記鼓高盤盤揚鑣羣業業五花習健兒三
日發摺匣兼馱四庫書不止十行劄慙愧事校雠慙慙共檢押

豈無一字錯素餐汗衣袷

時道逢進香要書回

雙塔峯

童季釋爾雅土戴石爲砮誰將萬刀斧刻此雙璠璣
寒月不孤照天風從中枕空靈立人屯伯仲無齟齬
咫尺兩相望萬古迭躊躇那知一寸心升拔同泥淤

磬極峯

俗呼極極峯

萬物皆上銳載之基可勝不謂防風頭承以昭明脛
文章樹變格天地失常孕藤蘿伴雲霄猿鳥畏夕暝
羸恨看山眼不能踏山徑秋風下黃葉虛籟如戛磬

熱河

自南邊牆來北碧里克圖東和碩莽喀西海喇烏蘇
並爲熱河藩風雲控喚隅五月大駕臨百貨通有無
塵舍堆錦鬪場肆

騰驪駒一物權微利生計到匹夫九卿諸瞽司攬衣馳天衢太
平稀封匭蚤退日半晡涼秋紫塞月勸沃酒百觚乃知正朔久
但見職貢趨

聖人所到處皆足成名都

堯心惜茅茨禹甸環郊郭願獻瑞麥謠以與幽風俱

時山東巡撫進瑞麥

畢秋帆中丞入 覲亦來熱河相見道舊有作二首

吾道不漂泊夔龍已際時縱然心報國未到鬢成絲幕府聞歌
歎風雲肅帳旗只予驚歲晚無復舊娛嬉

會面無定所秋風榆塞長窮交憐伯氏

家兄移迪化貧金治喪

一見問高堂

旌節從天降舟槎在斗旁公多公輔相緩緩憶滄浪

塞上七夕集孫春臺侍讀同季寓齋二首

少季瓜果祀雙星中歲悲懷酒不醒如此長城如此夜鵲何窈

窈月冥冥

天上佳期塞外樓
燭花金粟月銀鉤
自知桑下無三宿
一刻清光戀女牛

七夕後一夕史卓峯駕部同季馮玉圃舍人親家招集同人酒散示玉圃

黃姑乍別猶良夜
紫塞能逢盡故人
隔一關門砧杵少
爲多酒盞月華新
香分畫眉陪庠席
屋老滄江憶釣緡
邠漢功名安了日向平嫁娶蚤抽身

次三道梁同王述庵通政對月并題其詩卷後

看月山梁山翠無
月中相對語榮枯
十季慈母雙行淚
萬里歸裝八陣圖
名士從橫能仗劍
詩篇疆硬亦彎弧
慰忠祠記蒼茫在
又爲知交一歎吁

成都建慰忠祠蓋祀友勉漢唐程香岩諸君者述庵撰碑記

塞夜

塞老月晶晶無風艸樹鳴亂流歎大鯽一火宿長城狐兔肯朝
積妻兒種地兵版圖皆內地無處感邊情

密雲懷古二首

城有古墓哀墓有大峰來此峰幽暗久不上看花臺
轉漕誰季事淒涼得寶歌龍慶倉肯望滔滔卷白波

會榛子

棗栗同時熟鮮新價未增江南逢七月最好折腰菱

看鹵南一峯出雲

一峯初看雨雲生不必峯峯盡出雲到得爲霖天下喻此峯退
讓証知聞

熱河後集

學

石匣

金墉非重鎮石匣有遺營山勢連關起河流到縣平小花依
輦路老樹靜邊聲驛路檀州近將疑是柳城

白檀山歌

建安之歲征烏桓誰主行師老阿瞞許都取道易州去千里輕
輜出白檀烏桓烏桓莫走匿不如奇兵殺國賊能容袁尚不爲
功以報漢皇反是德老阿瞞爾將漫學周文王高貴陳畱風送
燭墓艸鹵陵夕照荒

紅螺山歌

大都中都高嶽嶽圍得紅螺山一刃自從有衛置開平不見殘
兵餘守捉本朝中外爲一家山角山後盡桑麻迤邐邊牆無
所用雨餘長上聲上女蘿花亭羅擴廓緡角史祕戲天魔樂無比

內禪將爲太上皇惠宗出_昭成此不才子昭宗祖宗可汗昔開基幹
難河邊建九旗胤完元帝庚申局誰次灤京甲子詩

九松山歌

佛樓山腰紅牆寺寺裏鐘聲出煙翠鐘聲不似松聲長虬角龍
須半空戲其時雲淡有微風落日平岡不到地一松二松松突
兀童童車蓋雲師轡三松四松松偃蹇僵倚枯巖老人醉五松
六松與七松鷓鴣駕駝鷓鴣披八松一折凹橫梁九松分劈寓
兩穗舉最老松次弟之以下兒孫不可記筋羸骨大皮毛古雨
往風來神鬼閱萬物託根貴得所五老四皓昌而熾松花好共
石牀清白雲正與孤鶴睡蕭栖山澤得身全蚤作棟梁亦心悻
材者彷彿不材壽此福豈非天所賜我今寄語世上人不必區
區鬪才智

土變石行同翁覃溪學士作

太初窟邃眇開闢人物山河同一族一從上下奠定忙上者五
嶽下四瀆聖人三元一出垂手畫長川踏大陸九州墳壤辨五
色萬石中央藏一玉剛柔燥溼暗錯雜石耶土耶相倚伏大風
大火鑪冶奇土孕巖巖石轟轟一片橫梁塞今古切斷雲根紫
閒綠開山大斧削芙蓉指地神鉞通種並容切
俗作稂稂土之變石歲月
長人之變土季壽速那能候爾五斗泥化作稜稜石一斛吾聞
眞陵開山日半股斷斂衝石腹見唐人
開史化書荒怪不盡言有氣有
形互亭毒吁嗟乎山頭新婦盼行客何況區區土變石

六月三日巴克什山對雨

雨裏山坳屋炊煙縷縷繁雞聲松葉暗虎跡石泉渾催飯拔瓜
菜移牀對土圍眼角泥滑滑寒夜蚤關門

。樂平縣

略喇河屯改置以理事同知理縣事

塞上新分縣文書判郡丞山光當屋鏡河水隔橋鏡牽犢時相
過魯魚半不能

樂河產鮓

太平人儉樸田賦只輕徵

。承德府

熱河改置爲直隸府

喬木長風燧平沙護土田七廳同鑄印一郡獨臨邊各部通廬
帳諸生習簡編

至尊親釋菜

鹵簿戟門傳

雨

御苑連天咫尺風輕雨半稠香濃初潤火雲起欲藏樓亂點豹花
尾斜舉蓮葉角蓬萊羣玉島仙露曉珠畱

晴

雨霽景芳菲天長晝漏稀青山開御幄紅日照朝衣偃蓋

園松翠長生塞鹿肥時清封事少
朵殿靜餘暉

孫副憲同季書院小鹿

殺雞復置酒多謝故人勤繡牙高臺閣涼蟬雜雨雲招要書院
坐在井野花芬小鹿山溝得啣啣感舊羣

期蔣心餘編修未至同覃溪作

君擅匡廬秀詩人近代無肩金如翡翠缺樹亦珊瑚衰病遲行
李邊關補畫圖相期難會面星斗立庭隅

歸涂雨阻喀喇河屯

石鬪浮梁曩人爭急雨來河聲動天地牆館聚莓苔所恐因廬
滂將爲衣會哀鶉鳩嗟不到

水鶉鳩鳴則雨塞上無之

莫爲旅人猜

又雨

洩洩泉如井蕭蕭雨響沙秋禾將爛葉山鶴欲思家晚接烏雲

日朝燒碧海霞陰符晴不驗獨立自咨嗟

山出雲行

遠山層青近山綠關外看山看不足一縷白雲繚繞之如蛇出
穴蠶上簇蓊蓊翳翳積輪困大於黃牛小於犢如環如玑如圭
瑁如罕如旂如翻纛天女舞花衣帶長神人漂練溪流曲山少
雲多山不見南北東西周踏踰一山一雲各有主四角殘棊合
一局不知雲有底事忙頗與人生同碌碌滿頭白髮吾無心夜
雨空山滴茅屋

次三道梁雨夜懷王述庵臬使二首

月鏡松亭取次開吟詩此地舊衰回而今半夜懷人坐坐待山
風卷雨來

青山如畫兩詩人當日題詩亦苦辛風雨夜同明月夜不知何

事並傷神

雨後下三道梁

塞山不耐雨一雨山水注分岸開屣屣壓壁暗雲霧有梁椳脊
背急流又宥度一落一二丈聲響所以怒山花倒溪瀾白沙如
白鷺鷺飛沙亦飛凌亂百十步不知何雷霆心悽畏反顧忽然
山坳黑凹凸若墟墓梔子枇杷葉無數無名樹大石如封牛小
石如龔兔谷空萬竅號梯鉤白日算馬蹏裹以鐵石孔四足布
一足不能受塌焉委地仆冥冥取微徑垂堂誰告訴

雨中下黃土青石二梁二首

一梁黃土潭一梁青石削上天絕穹霄下地墮哀壑土梁非無
石山壁若包絡一石一滴水石汗石縫落是雨不是雨飛濺溼
領襟渾泥聚中央只是無立腳長鞭鞭鐵驪搖手且算算人馬

相依倚性命可憐託我非龍與鼉游詎可泊

行行土梁過莽莽石梁長石路益以滑雨勢益以彊石梁兩脇
山夾植當天閭中有一匹練直下橫青蒼好峯被水漫清麗富
文章那知梁上人一步十傍徨腳踏石齒齒耳駭波浪浪大聲
萬杵臼小聲千宮商要借天地勇而助水石撞遲回怯下阪浩
蕩心茫茫

渡河二首

灤河橋未拆未雨先半日今日渡潮河洪濤十丈溢就近土人
多覓得古槎一絕無蕩駕才不受官府詰勤劬杖手足裸袒到
臀膝車馬雜喧呶風雲猛洶滿淺灘曳長組眾力不遑恤中流
鮮主舵僥倖乘險出長季窮號令羣兒徇子姪在索錢貫盈不
在人命失我感千金軀如何不慘慄

我來迭涉過去聲謂此是白河淫霖四晝夜艱險成風波地邇黃
花軍人唱小海歌敗土荒荒岸斷磧鱗鱗渦吾素見吳兒弄角
如操梭鹵北不擅此材智豈有它篙楫拙手用人馬同船過人
情猶可測不測馬與虜薄板亂蹶齧交嘶搔痒病而此爭渡人
輜橐排盜窠沈溺足君慮擔負爲誰多

。牛關山南三十里禾黍阡陌之間積滂牽角乃渡感歎
賦詩

一雨土不乾四日天爲漏條條阡陌荒
黍及豆我先十日來實結九分秀潦水一漂沒低鄉四奔湊
夫婦空酸悽支頤仰圭竇眼見衣食無聽之不能救根浮葉
將爛田荒人頓瘵方角我何向涕淚漬襟衷青拍水長獵獵
扶船走萬家廚中飯一地汗泥臭人事不可料盛衰何其驟

塞上燕

塞上紅襟燕，沙清水白嬌。
銜泥成壘急，引子度關遙。
茉莉江南樹，姮娥午夜簫。
下簾曾見汝，悵望一魂銷。

塞上女

塞上燕支女，逢人招手多。
折枝長十八，彈个紫紗羅。
山下當罽慣，門前汲水過。
風波行不得，郎意欲如何。

竹葉庵文集卷五

詩五

吳縣 張埴 商言

鳳皇池上集一

辛卯廷芳巳三月

和陶詩十首

歸田園居

先人之宅在黃湖莊所傳四兩莊是也今日爲彭澤縣故和陶詩以見志

落花日夜香水汙界阡陌下船學采菱船隨菱所適風急蕩漿
歸到門不及夕夕陽半桑梯山妻在樹隙時清減賦稅人閒少
徭役生男皆能耕生女皆能績我思爽鳩氏不樂復何益

乞食

少時指倉困其樂不知之中歲失家業奔走不敢辭鴻雁多嗒
嗒秋風夜半來感茲不遘寐一舉傾十卮既詣乞食苦每誅淵
明詩梁肉亂吾性是或爲不才黃金縱盈篋應辨誰所貽

雜詩四首

天地森浩劫，歷歷須彌塵。我乃如壞蟲，跳躍樂其身。最遠四夷外，近亦五服親。煦沫自相溼，實與枯腊隣。上壽無百歲，黃雞已過晨。拊髀長太息，至苦無如人。

棄婦若委韭，掉頭無所稽。入門復出門，一步東西崖。噉然一長號，聊以申中懷。盛季恃顏色，渺渺歲月彌。好花不忌愛，贈子以將離。丁寧後來者，毋爲虛意羈。郎心非妾負，妾願爲郎虧。

莊舄爲越吟，其調何悲涼。行旅實不樂，五字續河梁。丈夫能斷頭，不能不思鄉。微曦苦無力，不散瓦上霜。願言如鷓風，自展六翮長。

陰气忤於午，陽气萃於子。初長不可折，極盛不可倚。徇人者失己，違天者背理。

連雨獨飲

吾庵有酒僧其生則已然今日著屐出吾獨在庵間撫茲壁上
琴中有蟲曰仙是蟲頗狡獪官商得於天吾亦不譚琴任爾導
吾先奴星赤雙腳擔酒雨中邊擔頭挂勺藥花開又一季插花
對酒飲陶陶復何言

有會而作

買米不及耐米盡鼠苦飢牀下似告語何不令吾肥牙可裂巾
箱矢可瀆中衣吾故憐先生弗欲貽所悲東隣正椎牛誰管錢
刀非西家亦販脂頗有腥羶遺先生何局促帶索行吟歸莞爾
謝鼠子爾尙非吾師

問來使

立夏尙聞雁登臺寓遠目不見繫帛書故園感杞菊故園西山

趾藥艸當門覆白猿下牆來朱櫻一樹熟

雜詩

汲水向江頭粲然小女子戲拍阿姊肩撩髮紅裏倚夕陽在西
嶺慨念風濤理

吳中吟四首

織機

古人務蠶織閨門端女紅那知吳中俗男子操梭從新絲入城
市染繪分青紅織出花樣好舞鶴和盤龍一絲不到處一匹不
能終軋軋填小巷淒淒達晨鐘季來蠶事薄絲價日就隆著者
不見少織者業逾窮街頭游冶子春晝如狂蠶裁竭不愛惜五
色騎花驄誰家梨園部繡蟒真玲瓏一夕歌舞宴羅綺霞光重
鮮新無幾日粉汗當心骨可憐韋帶土矻矻春屆冬韻書慕孔

孟鄉道頌義農十季一布袴對客手自縫皇天判貴賤豈在衣
褐中如何太倒置不均儉與豐卻有老織匠麤說知民風一織
一歎息辛苦爲誰供

刻書

古書廢汗簡謄本盈巾箱熹平石經就鈔寫舉國忙較對辨字
蓋縶繆分偏旁且寫且卒讀無逸功效將手眼兩兼到積日千
萬行長興興雕印遞降價不昂載船曰書客攤門曰書坊乃至
極貧士千錢買一囊秃馬若看花皮閣猶藏舊士風競剽竊根
柢誰考量辟之轉掠女不知母族詳辟之亂宗子不知祖派長
帝典與皇墳巍巍高天綱叢雜褻枕簟敝葉黏門牆識字不辛
苦黎棗爲之煠近今盛說部寓言多荒唐么麼小文彙無恥爭
雌黃一二付桀刻此恨填胷腸安得喻流俗水火驅滅亾僂僂

貯實學經史尊膠庠

賣女

我歌吳中女容貌嬌如花長成五六歲識字聰明誇朝朝學堂
迢夜夜書包拏長成八九歲雜伎兼箏琶清歌妙瀏亮一嘒鳴
芳華十一與十二翠髻堆寒鴉十三與十四月面歎朝霞物難
知識蚤綠樹紅窗遮纖手弄團扇獨處矜匏瓜郎君何處來門
前白鼻騮百金買釵釧千金贈娘耶絕裾偃承諛萬里天之涯
顏色易消歇寵愛空悲嗟室中有悍妻刀杖相誼譁又隨媒妁
去道遠莫還家爲人黃金悞爲鬼白璧瑕曷不教采桑曷不教
績麻曷不擇夫婿結髮聘以茶吳中以茶爲聘如何生我時父母起念差
君看作妾者幾個戴卷髮

種花

種花誰作俑朱勳之子孫屏居花術中衰饜借自存吳人習業
此十畝開芳園種花識花性圃萼大且繁看花酬花直餅金致
一盆亦有最小花獨留最老根一石寄孤峯寸樹疑山邨秦松
與蘆栢縮本傳其神持獻富豪家謙賞羅栢尊栢尊勸停飲聽
我歌四民有農稼穡始有工工巧陳或商或爲買阜通財貨源
物物有利濟葉葉興後昆汝暫復何益浪博錢刀頻富家幾種
花貧家養幾身曠花代米穀飢者不勝吞縫花綴衣襦凍者不
勝溫是雖勤肢體罪比游惰論天地生好花非藉蠱惑人如何
山塘路風月想花寬

崑爲吳中吟賣女詩未盡其流弊重作一首俾宋風者
考鏡焉

吳中賣女家造禍始媒灼貧民生事拙着女本不樂同巷諸隣

姥閒話共商酌此女好頭面此女好手腳若充貴人侍舉家謝
藜藿里中慣媒者風聞出簾箔餌其父母金借貸頗不薄甘言
喻毒意畱女爲質約三五閒房舍牆壁稍涂堊明朝攜女去牀
頭安帷幕教女以圍碁教女以六簿教女以書寫教女以絃索
盥漱有常經飲食無大噓不願玉環豐寧取飛燕弱一旦神仙
人妝成開畫閣鳳皇鑄釵梁鴛鴦繡領褙附耳垂花璫引跣吐
蓮萼貧賤學富貴大雅善酬酢一步再迴顧光儀如電霍女亦
自矜驕父母並歡噉何處鹽鐵估錢蚨飛霍霍羣媒雜蟻擁大
船沿河泊船頭人一呼羣媒磬折諾致辭女父母良緣不可卻
此郎業陶頓主婦賢鍾郝生女嫁門櫓弗愁隔沙漠奴持聘金
來青絲紫囊橐千金倍有餘父母雙淚落父母得二三八媒
者搜媒者數胥事一一言確鑿如何教才貌如何備衣著幾季

爲女費豈竟填谿壑父母拜媒人多君相倚託已矣三生孽成
此九州錯瓜分婉孌姿皮骨眾羹臙著女富他人束手被牽縛
送女上船行打鼓解船絳萬里閱風煙生歎斷寥廓哀哀向夜
噉天涯冤癢各不如嫁東家兒郎親忖度不如嫁西舍舅姑眉
賊虐昏禮亂男女此風最慘惡不待教而誅縛媒置鼎鑊桃夭
與冰泮庶幾免剽掠

內閣夜直

承明橐筆夜經過官燭疎簾興若何鳩鵲地分三殿做蟾蜍
光徬九霄多太平時世紆籌策禁近文章費琢摩卻憶鄉園當
八月桂花叢裏倒金荷

封印後入直

天高薄日隱瓠稜禁地清閒得未曾廚竈儉於寒會火文書亂

似打包僧鑿窗差少旁人見盡諾全無小吏譽莫咲眉中太窮
餓官衙原是一條冰

蒸鶴

市舶腥風半汗漫貧家入饌酒栢寬生成玉骨燕泥滓老向滄
江刷羽翰天上神仙遺蛻好人閒魴鯉作書難溝渠霄溼誰眞
假贏得兒童拍手看

清閼閣硯

元末詩人次弟豪鐵崖外史並名高玉蟾劫火餘清淚曾記先
生賦翠濤

雲林有翠濤硯詩

乾隆辛申八月太夫人七十生辰舍妹來京師祝壽屆
壬辰六月去之武清送別三首

頻頻遠宦未安居太息兒童竹馬餘一樣同懷春艸句何季不

寄大雷書善持門戶操心慣多歷風波理鬢疏贏得天涯今見
面藏鉤賭酒翫圍蔬

宣武門東屋數廡塌來骨肉遇團圓棗花當戶四五月豌豆堆
盤百十錢半歲光陰殘寢裏兩家兒子一鎗肉那堪又作離亭
別艸長鴛飛故惘然

買田歸計未全真輾轉東西又送君嬌女明珠尙辛苦孤兒葛
帳况風塵聚偏欲散嫌時窄去不能留諒我貧還約鞠花開放
後重陽風雨會蕭晨

徐隣哉太守翁輩過訪記珠軒同觀宋元以下字迹

碑版千春照眼多高牙大燾欲如何誰人贈酒三百斛日日看
花寫換馱

題詩未已雷雨大作

空中龍蝨誇若神屋角雞蟲坐守貧雷雨催詩添怪格風雲變
態如奇人香猊離明火灰淺鐵馬震動官徵新老夫掀髯解事
客墨豬大字書天真

八蟲詩

腐鼠鵙鸞何所求匡牀午枕破除休喻人半是能言鴨震世偏
多識字牛大道猶龍天地祕微生屈蠖古今憂不如指點常行
樂雲水無心一散鷗

舊藏蜀妝鏡歌

天雄節度王承休豔妻中冓不汝羞君王賜鏡恩意稠三十二
字頭銀鉤鴛鴦繡帶開妝樓瑤階手指奎壁婁私誓夜淡花滿
頭玉簫官宴宣華秋劒門高高去國愁結廬永作秦中囚亂軍
殺氣橫兜整香匳舊物誰人收夫婿嗟哉重圓不樂昌公主夫

何九

事詳張君房麗情集玉簫蜀宮工人名後主衍被俘入秦至劔閣作詩曰不緣朝闕去
好此結茅廬

七夕宋小巖太守王葑亭舍人同過記珠軒夜話次葑

亭夜坐韻

蓬蒿掩徑碧於苔洗足關門遲

去聲

一回夜有蟬聲淡巷好涼隨

螢火故人來多因瓜果思鄉井權撥茶鑪當酒栢宦海恩讎俱
癡幻荷衣竹帽趁時裁

立秋夜醉訪葑亭又爲置酒見示新詩繼之有作

偶乘小醉影戔戔又訪同季隔巷過一葉知秋人寢醒三分明
月艸蟲多漫顛科斗涂殘墨且酌葡萄勸素娥偷得餘閒我輩
好朝衫摒擋待漁簑

羅山人

聘

畫鬼趣圖

羅山人眼常見鬼鬼不瞋黎邱丈人鮮解事眞亂作偽作眞

泰山錄事大可咲日日考召迭苦辛不如山人巖下電薜蘿墟
墓多傳神初露頭面降尻股各致跳躍隨風輪地獄變相有殊
族神仙忠孝非等倫羅山人人以爾爲鬼董狐董狐筆墨何不
圖河嶽書星辰人以爾畫爲點鬼簿又恐沙蟲猿鶴其人一一
名姓遭沈淪呂后殺如意武安殺竇灌如意竇灌之鬼及外缺
其身但使人鬼兩無忌讎無可報恩亦均垂上公等儘遊戲疇
能厲虐光天化日之良民

羅山人畫伏虎禪師

上士攬虎頭下士攬虎尾夫豈敦好修聖門肯出此佛教乃以
虎示雄著者大小青與空離家誅茅撥巖壑日長鐘磬搖松風
虎儼似啞儼似聾僧被白髮居當中或謂應真飛錫處巍巍龍
象高天宮山魃木魅跼聽法何況毛羽人閒蟲又謂高僧操呪

禁風雨元象窺甬蹤水火刀兵並解脫獬獸懾伏羊犬同嗟嗟
世俗崇神異白足傳會推禪宗虎諱啞嬰兒亦諱啞醉人物我
機不動天地化還淳虎不殺人人殺虎無怪冤禍常相鄰僧辟
嬰兒醉人耳人無所迂虎不瞋吾願騶虞滿地偕麒麟世上無
呼封使君可憐急怒猶堪縛咲面看人最斷冤

秋夜讀書已聞曉鐘

夜長秋氣滅門扃得有蒲牢仔細聽一百八聲僧界靜萬千億
寢世人醒紅樓歌舞花間蟲白髮功名艸上螢何似寸陰常可
惜讀書鐙尚映窗櫺

秋蟲

羽翼獨崢嶸高秋靜復驚空牆空鼠穴遠夜應鼃夏肅殺還天
地淒涼感性情一聲聽不得何況百千聲

秋花

秋卉乘時令含苞並吐芳豔知無幾日久恐有繁霜佳客攜尊
酒清言坐石牀願爲松與栢冰霰不能傷

秋雨

難料陰晴事靈霰陣未收酒旗纔溼岸虹腳又明樓浴趁池塘
鴨喧爭屋樹鳩菰蒲煙雨闊記載石湖舟

秋砧

斷續杵聲微林鳥慘不飛音書悲遠客冤寢在寒衣鐙燄紅闌
短霜花紫塞肥玉階猶佇立誰與寄當歸

秋寺

塔院隔溪偃風鈴漠漠傳僧歸黃葉寺鳥樂夕陽天齋齏嘗新
稻秋鐙坐夜禪頤詩已公屋不到又三季

秋扇

彷彿初辭輦齊紈託苦吟
恩非緣主替怨只爲秋淡
愛憎隨時俗炎涼閱古今
來季榴火候珍重篋中尋

題羅山人歸帆圖二首

江艸江花並可憐
檣烏个个夕陽天
此行那得揚州鶴
還我來時書盡船

江上有人樓上頭
翠微雲樹認歸舟
願今縮取長江水
只在門前屋後流

記珠軒消寒鳴韻成詩詠
盡麻姑進酒鳴韻者成詩一韻
一韻應聲而得也

月沙餘粒化胡麻
肯借星君老姥車
天上雲煙金錯落
人間翰墨玉丫叉
修眉長爪爲仙子
滄海桑田紀歲華
一飲瓊漿生百感
霜花無數結檐牙

燒秦

京師銀少岳廟中作秦檜夫婦泥像穴其中燒之曰燒秦也

南渡衣冠事可傷
東窗竊詭舌偏長
夫妻今日團樂熱
父子當年雨雪涼
大將寒燐三五點
小人毒火百千場
便教糜爛成何補
春月春燈哭鄂王

二月五日水仙盛開重爲試燈對酒而作

今夕復何夕
新月上衣襟
銀花與火樹
艸艸爲光陰
屋梁舊鏡

設

十八夜看鏡設吳中諺也

三五如晨參
失覩卽塵土
及時皆黃金
呼婢拂拭

之燦爛
燭燄淡幽花
裊陽和一吐
天地心芬芳
不摩滅
苦節矢微忱
老夫劇感
濁酒取次斟
陶然曲肱臥
元默無古今
人生不適意
墟墓誰相尋
但願酒不醒
不願名不沈
問彼鳳鸞嘯
何異瓊蟲吟

梅花

晨寒出岫邨邨柵不上鎖此閒無外人雪與梅花我尋花不見
花凍香一林墮卻見賣酒家酒餅插花一朵遇梅果然佳訪雪無
不可

次韻美人風箏

任吹多少亦神仙裙皺畱來並可憐只想爲雲應怕雨不教到
地便升天身輕彩鳳無拘束骨出飛龍有棄捐聞道瀛官絲續
命一生芳艸夕陽邊

借書

鄰家未致東修羊四部分攜卷帙忙頗似求金思作庫卻同乞
米欲成倉事無可奈仍歸趙人恐相嫌又發棠何日積書巖下
去方回遲去聲我訪謨鷗

題灞橋風雨圖二首橋以屢築不成屢孖渡舟所謂銷

竟之柳無一株矣

灞橋今日已無橋楊柳千株亦盡彫此是皇天惡離別故教陳迹一齊消

灞水千季清不渾風風雨雨到今存可知不是真風雨五字河梁涕淚痕

春日雜憶故園七首

北園菜花

顛倒平生薄宦非故園三月景芳菲酒餅在手六國印花霧上身一品衣鳴綠澆沈溪岸版駭黃熏透寺門扉良辰如此不歸去南望春雲片片飛

上沙婦家園亭

記會上翁未還家與婦移船到上沙半世外生成契闊小園風

雨慣橫斜池閒科斗紛如織屋後芭蕉亂似麻此景飄零腸斷處不遑水木憶清華

虎邱程氏園亭

塔影灣邊占一邱游人如蟻作春游花中白日不到地船裏紅裙盡上樓一徑鴛聲疑入癡滿園酒氣賭藏鉤布衣兄弟今無恙莫爲閒關偃白頭

西鄰王尚書

心一廢園 園落成於崇禎中尚書有碑記

荒園咫尺日婆娑春艸閒碑此地多江左士人猶土木河南盜賊已干戈一區地宅貽孫子無數風煙障薜蘿寄語庭花休亂發烏衣王謝奈愁何

筍

玉版同參飢起予此君苗裔味清虛三餐白飯齋鹽外一震蒼

篋天地初未到清明勞市販雖逢風雨叩窮廬百錢買得貓頭
賤鯉屍猩唇盡破除

蘭

聞說蘭溪趕船忙釣籃捆載致頭網有人花裏營家計一巷風
來盡國香細艸必除添活水新泥纔種避斜陽江南事事堪行
樂辜負書窗薜荔牆

鮒魚

餅金致汝異常珍出網鮮新及蚤春滿箸風雷迎酒客一船冰
雪護江神漫嫌芒刺森森骨不去霜花薄薄鱗節物季季容飽
啖官廚久擬讓他人

薛素素馬守眞畫蘭扇子三首

六朝金粉與傳神寫出人閒九畹珍
臘水殘山兒女恨一般姊

妹兩夫人

柳籠垂柳橫波也

宣和團扇舊從橫
文彩千秋不世情
同入淒涼庾信賦
紅橋桃

葉長

去聲

江聲

寇家兒亦有風標也
仿幽蘭點葉苗
國破家亾無足惜
曲中一盡人妖

王翬仿古冊子十首

黃子久千峯聳秀

作畫不必此畫作詩不必此詩
富春烏目不遠行腳
蕭然遇之

雲林子虛亭嘉樹

十季期以種樹三季期以築室
但遇林中亭子坐
到溪邊落日

王叔明谷口書齋

一隻艇子進口幾季
故人到門買酒白雲遠
岸裏翠流水孤邨

米元暉楚山清曉

今朝四山新沐日出初聞竹雞芳艸叢生嶺半可憐踏作樵梯
顧寶幢風雨蕭寺

天花半吹佛閣山菌多長僧房沙彌鐘磬未了一龕風雨清涼
董北苑夏山積雨

灌木陰陰障翳溼雲老住巖阿山腰流水太急流到人閒奈何
趙令穰松溪垂釣

縮項之魚一尺長鰓之松十丈夕陽將黃不黃晚潮欲上未上
管仲姬艸堂讀書

趙宋山河如癡美人書畫忘饑歎息艸堂晝靜綠滿王孫不歸
宋巨然仙巖訪友

神仙未必可訪訪者平生故人故人如爲偃佺亦應薦我歸真

曹知白重江遠岫

十五五沙鳥三三兩兩山樓帆腳磬然一落眞見萬里江流

寄題懷谷樓二首

樓中書卷昔時人蒿里松邱一斷魂清淚莫尋奇字處濛濛寒
會雨初渾

盛憲風流未渺茫竹溪鑪火舊書堂重勞金粟求遺藁斷墨零

紈字字傷

拗蓮詞四卷子刻一卷顧上舍臣成實書

竹葉庵文集卷五

竹葉庵文集卷六

詩六

吳縣 張埏 商言

鳳皇池上集二

癸巳四月迄十二月

昆明湖行

波濺不沈湖上山橋鎖不定山下水魚龍遊戲天當中日光冲
融射金甌吾

皇神武古無敵手拓封疆二萬里眼背戰艦錦帆開漢武旌旗
兒戲耳我偕同官破曉暝披衣躡露行稻田溝頭急水鳴濺濺
不來自地來自天平疇一豁見沙脊蒼茫溟渤相鉤連是日雲
濛清復清四山樓閣琉璃擊鉤陳元武壓水怪紫微北極高星
精湖中作閘分門捷十五五金堤偃簫鼓中流彩鷁飛蓬萊
官苑

聖人歸又 敕明朝修火器

親御樓船看合圍

分校四庫全書二首

字從玉筍羽陵來大力能趨並異才詞句旣興三篋廢碑文偏
盛六書災

聖人治世秦灰活

天子傳經漢殿開袞袞諸公叨祿俸范頭邊腹合淹該

積書巖下幾叢燧太乙青藜湧異觀一字關心常不放甫生經
眼再來看看天畱世外消閒事我樂平生本分官半歲遞名休沐
暇也教灼灼著長安

時子在假

種花三首

桑必無三宿樹應計十季老夫忘久暫紅紫自相鮮蠶蜨羣趨

賀雨風獨見憐此時空載酒醉艸一亭元

月出屋東殘空庭纔有花花光如紅霓苔色隱青蛙益以鑑香
永遙看北斗斜幽人肯問訊老圃欲成家
天公知世熱有意假爲秋雨日雲頭灑千絲雨腳浮是真花命
好不與旱神讎睥睨清涼界毋先搖落愁

荷錢

貼水黏波次第尋錢錢小字直黃金乾坤花樣翻榆莢天地洪
鑑鑄滿心魚戲周遭容易徧雨擎嬌小尙難任連朝輪郭分明
厚綠滿池塘淡復淡

五月二十七日對雨答潘榕皋舍人同季二首

虛庭爲巨壑檐溜注湯湯鳥雀艱於食風雲盡若狂多君消渴
疾坐爾讀書堂一洗塵埃淨清詩出肺腸

同直中書眉偷閒過訪回門庭原寂寞雷雨卻喧豗詩老驚成
空心童嬉似孩天游無六鑿何事是愁盍

同人集記珠軒賦盤香詩

香國羅羣品根葉具艸木屑粉作炷香燄斷不能續伊誰出新
樣螺旋而蜎縮頗同夜績長卻賴朝春熟君言枉尺可我謂轉
輪速配以長明燈比之不息燭安置室暗隅幽輝照書簾祝融
古丈夫從來不隳跼到此爲搏捏無地不受曲灸上乃下起熱
左且右復回文美女詩閒道仙人局流星按度行御風因氣逐
勢已在必燼人猶戀餘馥火梯建圓陣炎井洞淡腹升進不知
止顛頂半成秃吹灰壓陳迹迅掃動盈匊佛家備供養剏製空
僧族氤氳周六時光明寓一粟近人嗜煙艸請縕厭童僕徇此
磨團團架乎柱轟轟積薪儼有餘傳鐙無不足巧僂特盛興邨

巷暨黨塾眼肖敦佳會分題消暑得好事存此詩補入眾香錄

集葑亭雙佩齋賦聽雨詩

曩與孔誦孟聯吟聽雨詞擲筆出空闊下句捐毛皮花閒艸堂
聞一洗諸淫辭季來心力減詞竟不復爲結習未除盡酬應形
之詩眼肖二三子格律實吾師五月積雨多上天成漏卮雲霄
直一潑并點無參差震澤在庭院用楫何以持彼哉獨脚烏鼓
儼而鳴悲那有穆王笛卻向天門吹今日果良會敦盤眉禮儀
酒氣接雨氣飲溼真無疑吾鄉朐瑟園花石方圓池中央聽雨
樓雨中常登之樓中皆酒人樓肖皆柳絲綠陰數千尺最好空
濛時景光若寢寐少季不可追稼穡勝名宦桑梓相娛嬉安得
吾輩人盡是農家兒此詩紀肖事醉艸君勿嗤體製失冗弱姑
冒長慶遺必欲歐肝胃必欲斷須髭其詩誠可尙其人大癡

六月一日同人夜集記珠軒送王蓮心郡丞之官安昌

次韻二首

庭階積雨欲連旬惜別今宵醉裏身入世不應爭戊子當筵且
與坐庚申銓除一紙夷陵客陪從三季春禁人蚤訂白頭尊
茶約吳中二老往來頻

宰官說法指由旬妙諦華嚴現此身佐郡竊謀方朔飽渡江獨
弔女嬰申君添畫裏新詩筆我戀鐙舟舊酒人千古府丞俱好
事魚乾可得寄來頻

安昌所領歸州即秭歸縣有女嬰廟又多產鱸鮓君戲以可適
寄故以南陽丞爲比

直廬夜吟三首

躍靈功最偉西夕必自藏夜見三足烏童稚比不祥所以賢達
人越俎良用防艮止必有位震動必有方龜以在塗活蘭以當
門傷掾固三語好策咲萬言長

神農大聖人乃設日中市世俗何奔忙競謀衣食起七日鑿混
沌百季出姦宄際乎旣晏晦閉門高枕耳差少爲惡場卻還太
初理善心生平且藉之作綱紀

萬聲發一曙最是百鳥先百鳥不爲蚤先鳴一二蟬是物吸清
露高居樹之顛俯視下界人一一皆熟瞑那知直廬客鐙影心
悄悄江湖擬有癡癡亦近難傳

家方壺舍人招集同人賦黃金臺詩得之字

千金致館穀萬金築臺墓不信眞國士感召惟金貨賸臣奉纁
幣釣空羅車旗彼所爲者大相悅非恩私東西不二帝列國從
橫之客卿作上相印綬何陸離所慕黃金來所徇黃金而鄒衍
與劇辛豈是帝王師

校書戲作

校書如掃葉措眼欲生花難正千金誤能無匹練差客喧門外
鳳我樂睡中蛙載酒偏寥寂奇文近不誇

寄顧虎邱十二首

試劍石

賢良爲脊清廉鏐未必眞能刺石開可惜夫差無計較越中八
劍不攜來

王珣故宅

松風水月舊陂陀曾與王郎識圓多不值外人爭地界古今傳
舍欲如何

千人石

慢亭仙樂廣場開花雨漫空七寶臺松磬一聲人定後老僧自
掃石幢來

顏書石刻

虎气淋漓入筆無握拳透爪正人俱夜來光怪燒山壁佛殿角
頭四顆珠

劍池

池淡暗黑幾千季疑劍人傳小洞天我獨凭闌吹鐵笛吳宮花
艸寢游仙

鐵華巖

鐵華巖下水潺潺鐵華巖上華斑斑莫言鐵樹無消息鐵樹華
開郎亦還

悟石軒

曲磴虛廊展齒遲颯然四面天風吹枯藤自縛千季石山鵲踏
殘松桂枝

梅花樓

梅花招我到山頭我與梅花共一樓只有白雲容闖入南窗洞
達北窗幽

愁愁泉

銅餅次第乞寒漿莫與貪泉並較量七里山塘小女子半緣愁
態看死央

真孃墓

人面桃花似彩雲佳期蹇阻感靈芬紫驪誰繫松杉外南國春
深小妓墳

山後玉蘭

玉甃擎空絕代誇朝光肯受赤城霞何當句抹尚賢帖不數唐
昌后土花

塔影浜

誰將河汜記圖經
春水偏餘瓜蔓形
不看浜溝看塔影
錦帆五色一齊停

大竹知縣程君

蔭桂

哀詩

運餉濟師如救火
拔刀斫賊如剗水
半夜官軍盡數逃
不信元戎如此外
吾初聞君令大竹
徵調何來木果木
拌將白骨擗青
天新鬼無頭不能哭
是月己未日戊戌
營門不開水道絕
一手打鼓鼓無聲
一手彎弓弓亦折
同時畢命有詩人
趙君文哲不得全
生卻全節
縉君遺盡不勝悲
今古彭殤猿鶴知
天子旌忠詔
哀痛幾家祿
養羽林兒

程君殉難授命之正者
故人悲懷不能已
已重題二詩

書其畫卷後

秋氣悲人邊塞長巫咸能叫路茫茫家無粟帛真循吏墓但衣冠是國場半世妻孥餘涕淚廿季筆墨重琳琅我修畫史分名目忠孝應標弟一行

平生奇氣總難斲含咲臨戎陷賊圍蒿薙剝頭須不免烏鳶啄
因卻全歸傻填滄海由人力欲吐長虹壯 國威今日故交爲
位哭殘縑賸素有餘輝

戶部主事趙君

文哲

哀詩

連天烽火暗邊塵幕府論功重此人纔脫白衣陪上相傻同野
鬼哭蒼旻黃金臂劍淡闔寢先以金劍奇其夫人明月刀鑲故國春并作從
軍詩句好篋中字字化成燐

銅梁知縣周君

昱

哀詩

先溫將軍之敗病物軍營

筠廊

子寓齋名

風雨記蕭辰載作青櫺

孔莊谷寓齋

語別人萬里狼煙支病

骨四山鳥道泣勞臣簿書應悔生膚事刀劍能逃劫外身何日
渡江月旆會隻雞斗酒致酸辛

席侍讀

世編

家進士

時憲

頻聞奄効詩以悼之

遠地頻聞訃真成搖落傷故人似秋艸無地不逢霜
誰卜知誰健驢鳴爲汝長百季生趣短獨立看斜陽

周鍾阜

士英

司務同季挽詩二首

皇天彫玉樹憂劇必傷生匪止斯人感難爲萬古情
卑官矜晚節多病謝時名記得同風雨書堂煮藥聲

不信龍蛇厄堂堂歲月徂青氈餘涕淚白髮爲妻孥
薄命真成瘠竒文獨不枯銘旌非進士此恨九幽無

送葑亭乞假南歸二首

同季四十人與子極相親官職寧寥落文章獨苦辛
聞來一尊

酒門必此車輪又恨恩恩別孤懷孰與陳

至道雜蟲壤微生豈可憐鳳凰猶怕嚇騏驎不爭先智者毋涅
白高人善葆元全家江上住羨煞五湖煙

中秋夜讌二首

桂殿姮娥迴今宵最令辰司香小兒子拜月太夫人粉院明於
玉秋花豔似春如何不沈醉蔬果及時新
萬里關山月渾茫積思紛近傳左妹信遠隔謝兄羣童穉當筵
侍歡娛閱境分只今俱老大不醉已餘醺

倉蠻絕句四首

節物剛題九日餽差如意事縛雙螯文章介冑終何補合鄉秋
窗伴老饜

昔賢著述託沈冥絕口雌黃守似餅載酒況能逢郭索不消辛

苦太元經

秋江明月絕堪憐
兩兩三三斷欲連
便有監州無不可
一生萬事信由天

茶眼琴聲並肖之
此君無象不清奇
老夫手筆非臺閣
新酒黃花換制詞

黏窗

一紙風霜隔堪同
塞向時白雲函洞府
明月鑑琉璃
蟻凍藏花架
蠶寒隱硯池
物情想庇護
天道眷如斯

奉派爲烏魯木齊諸城

賜名書頌恭紀

東門曰承曦西門曰宏積南門曰航

同北門曰樞正衙城

賜名自懷安城東門曰麗旭西門曰同風南門曰覃惠

神武驅全虜
高城瞰大荒
特顯天上字
永鎮極西方
春雨開

阡陌秋風壓虎狼

小臣

慙韋誕須髮未教蒼

韋仲將書凌雲臺榜就須髮全白

霜後赤苞子紅鮮可玩感歎作詩

月令曰王瓜爾雅曰蔞姑俗曰赤苞子其名頗與姝四月根出土五月蔓有須六月暨七月黃花銜青柎花開分雌雄雄者蒂易枯雌者能結實纍纍牆頭鋪九月天隕霜熟如紅珊瑚收采作圃藥容悅潘衡需老夫感蚤衰瘵皺生皮膚卻憶總角時饋祝桃花塗顏色日以改歲序日以徂功名少樹立田園多荒蕪魯陽不可揮羲和不待驅已矣復何道涕淚沾衣襦

趨陪

趨陪青瑣奉 宸章隅坐偏升政事堂比似三遷無此速攝非五日越教忙傳餐已勝防風響淪茗休誇厚朴湯秋老慮囚封事密花飄影遇到斜陽

官制內閣學士兼禮部侍郎者四人掌朱筆票本有兼直南書房者關臣令中書代票送堂審以酬其勞

飲王秋樵同季寓齋

寒暑相催歲一更，霜風獵獵到南榮。
同季住在烏衣巷，此酒空於黃葉聲。
入世每憐如縮蝟，攪人何苦若飛蝗。
與君半日憎騰醉，便合庵顛心太平。

馮玉圃舍人親家徵其太翁六十壽讌詩二首

令子論交蚤季纔，十五時功名呼利市。
筆硯共娛戲中歲，婚姻約相看兒女空。
朱陳圖嫁娶合畫鳳皇池。

爲述趨庭訓，嚴嚴仰義方。
家風同萬石身，告顯爲郎大小馮。

君雋

並謂令兄水部

春秋絳縣長，膝角齊進酒。
此樂樂無央。

季來

季來書局彊隨身，劉向揚雄遜苦辛。
世擬名山爲捷徑，我拌福地作閒人。
一楹半柱千秋業，破壁頽垣萬古春。
天上月鉛勤。

乙覽諸公何以答 楓宸

議卹軍營外難諸臣趙樸庵贈光祿寺少卿程香岩贈
道諭祭葬各蔭一子入監感愴不勝再唁此詩

故人詩畫稱雙絕身後榮名爾豈聞帶血頭顱無半個兩家妻
子拜空墳 朝廷不枉孤忠蔭天地終消積寇氛輸與健兒歸
奏凱香膠寶釧賀從軍

偶成口號三首

邨塾冬烘五子歌春蛇秋蚓漫相前今季得奉

君王詔庶下傭書價直多

鑪香一縷午晴舒祕本親讎半魯魚那有人閒寫韻手神仙下
嫁只鈔書

袞袞頭銜車騎新比將吏掾最榮身平原筆法高千古字裏曾
多千祿人

直廬稍暇校書以消長夜

寒巖枯木道心餘 清禁閒宵付索居 巢頂繁霜驚鷓鴣 雀硯頭

微火活蟲魚 猶看猛士橫金戟 時官軍重復美諾 敢詫雄文重石渠 出處

平生渾不似梅花 風雪好騎驢

仙宮

仙宮官府勤奔走 築室昆侖久未歸 曾是消搖騎鶴瘦 也多齋
醢象龍肥黃金 鞭重分恩怨 白玉龕淡說是非 我怕昇天二千
歲 任呼隱遁淡忘機 白石先生一千歲不願昇天人呼隱遁仙人

除夕

昨朝侍疾三旬久 蟣蝨多生衣帶隈 今日白頭能健在全家 咲
口合常開 酒梁臘盡真無味 菜把春初已起臺 未作五湖篔簹笠
長煙波容我瘦 先回 交春菜心重抽幹作花者吳中謂之薑心菜此如牡丹之有樓蓮花之有重臺同義也

顯禧筠心學士西域詩後二首

雪積天山天馬屯不容水艸貨游覓 紫光閣下功臣傳纂紀

應勞褚少孫

體變九侗外國詞玉堂半臂寫烏絲獲嘉聞喜開新縣天下同
文是此時

宣德鑪

燒鑪不燒香此人爲鑪奴近尙宣德器洗刷多工夫薪炭十二
時溫火能均輸燦燦好顏色光暉闊美姝最畏煙氣觸毒於蠶
螫俱戚友耽雅玩拱立遠坐隅手指嫌汗漬犯者爲驚呼有不
解事客咲鑪何爲乎奇南或黃沈投之煙燄枯此人直大詬燒
香損吾鑪如著霧蒙翳滌澤慘不映瓜皮及蟹殼墜璧千金無
嗟哉荆山銅倕鑄分精鑑愛鑪而廢香藏櫝乃棄珠物昧所以

然子曰瓠不瓠不耕疆號農不讀疆號儒虛名漫久竊述詩示
頑愚

觀音庵聽雨二首

以下補錄舊詩四十首

跳珠急雨響軒廊艸色浮於乍種秧清水一渠休放去畱他宵
半照蟾光

陰晴不定極無聊

作去聲

就秋光暮復朝花落石壇人欲別笛聲

帶雨到僧寮

景山官學卽事五首

戊子

禁近天高尺五論書堂苜蓿亦承恩朝來盡諾無餘事山色青
過 神武門

日照琉璃鳩鵲明太平絃誦對諸生敢誇庭艸皆書帶長養生
機見性情

閒雲野鶴十季蹤路入春明殿閣重才短不嫌勤供職出城正
打景陽鐘

寒闌望遠劇淒其刀尺熏鑪繫所思咲百里奚求富貴 尙方

能給五羊皮

冬衣給內用段細羊皮七十張

萬斛龍驤轉潛多香分范甌樂如何帖中乞米真寒儉戲撰頭
網得寶歌

風神廟二首

雷雨風雲各一壇朱門鹵簿重祠官太平不盡飛廉勢少女嬰
兒拂面看

夜來鐙火一帷青斜對呆愚古殿扁歎息十季頻賃廡今朝真
聽雨淋鈴

太平鼓竹枝六首

一幅玲瓏雪繭裁，
金屈曲作胚胎。
聲音之道因風俗，
靈鼓靈

霽靄晴光溢九衢，
攤門粉荔與神荼。
誰將竹馬嬰季弄，
寫入仙

京瓦務圖
辟寒風鎮一鑪，
香繡幙流蘇。
五色長打到元宵，
鐙市盛蛇皮絃。

子聽隋唐
每疊雙聲應手，
僂花枝招颭背人。
憐郎情似紙層層薄，
妾意如

環个个連
開來巷北與街東，
月面風情團扇同。
著手偶嫌腰柄冷，
賊黃袍

子裏當中
吉祥好語自天申，
福祉絲絲奉紫宸。
鬻鼓錫簫同淡蕩，
風光

真是太平民

元夕後病起五首

火樹星橋作病辰，
斬新風景又陳陳。
坐見空庭啁荒雀，
吾生孤負有涯人。

每讀神農本艸書，
丹砂鍾乳術何如。
羯來好事陶宏景，
儼欲仙人問起居。

本艸藥三百六十五種分三品而陶氏別錄增至七百三十種雜言長生之術矣

鄰右招尋同館生，
春醪偶撫亦怡情。
殘鐙數燄人初醉，
臂似梅花曲處橫。

無多病骨存衣帶，
有幾鄉心習劒鉞。
消息南來慈母信，
那從子舍候晨光。

去冬不復見三白，
獻歲奇溫欲滅縣。
蚤尋蝗子數千斛，
守過蠶

家弟一眠

蠶過初眠則蝗不生見坡詩

古意

屏山曲隱畫眉廊，豆蔻花開月正涼。
廟祀青溪疑小妹，鞵提金縷嗔南唐。
偶題難字裁方勝，獨裊雲和坐側廂。
笙簾狸奴呼不起，春風何事感羅裳。

薛徵君一瓢祭虎邱，文清公祠堂沈尙書。
歸愚先生同往觀，禮時山後玉蘭盛。
開徵君命孫繪圖尙書有詩紀事子亦題卷尾三首。

始蘇麋鹿占花叢，朱勔兒孫小術中。
猶有肖朝瓊樹在，燒殘劫火對春風。
勔敗子孫屏居郊外種花今之花術云

虎邱人散酒船遲，得見仙壇第一枝。
山上神鴉三五點，花梢二老立多時。

后土唐昌無樹看，飛瓊特地露清寒。
葳蕤直上浮圖頂，億萬仙人玉葉冠。

韓信釣臺五首

市墟顛倒昔人傳，水鳥相呼折葦蓬。
一功臣何足論，釣臺輸與中興季。

不作披裘五月人，高臺終古傲斜曛。
一竿在手原多事，釣破乾坤上芑上碣雲。

路入長淮思渺然，編蘆作屋隱炊煙。
王孫不慣滄江臥，上竹鮎魚絕可憐。

百季魚服易藏形，木杪空江曉霧青。
一餌英雄忘不得，水天龍氣尙微腥。

未拌艸澤付沈淪，滿眼風濤劇苦辛。
太息枯魚真入肆，蕩高難釣釣韓信。
讀如申

顯露筋祠

新城埭下蕩花香豹腳斜飛一尺長古廟神妃千載恨螺亭女子亦淒涼

鷓鴣湖詞二首

載得雞聲曉過湖橋當斷岸月輪孤銀魚半寸新菱葉似此煙波世所無

好風長養盛南薰白鷺青天自一羣昨夜江聲連八尺海門平與越山分

永安湖詞二首

往代詞人載酒過

顧仲瑛孫一元諸人

珠簾畫舫事如何而今海岸枯查少

水鳥衝煙破翠螺

不逢良吏與疏穿葑塞荒劇可憐畱得民間一湖水好教山下種湖田

鵲華山

一桁清光蓮子湖單椒秀澤不嫌孤王孫去後風流盡誰寫齊
州秋色圖

趙文敏有鵲華秋色圖

大明湖北極閣上二塑鬼

盡日靈風元武旗獐獐殿腳護神龜
羸體筋見如新沐此技應推楊惠之

龍山驛題寒山大師畫像東坡陽關詞濟南春好雪初晴
行到龍山馬足輕卽此地也二首

三閒破屋龍山驛誰寫寒山入畫圖長頸結喉雙輔骨勞人消瘦亦如吾

約去濟南五十里龍山馬足故遲遲誰將三疊陽關曲唱與西來拾得知

蚤發駱駝灣輿中寢與家兄同應童子試會意苴甚甘
美先祖母迎問今日行文稱意不此童穉光景今何可
得感歎久之

癯似寒林落葉多弟兄拙宦感蹉跎重提廿五季
角事初應州閭童子科

邠州

驛樓長出榭林端泉水聲中黃葉乾天地不平原似此下陂又
見上陂難

竹葉庵文集卷六